

ნიკოლოზ ჯავახიშვილის საბოლოო სიტყვა

„მოვესწრები იმ დროს, როცა საქართველო დამოუკიდებელი გახდება! მაგრამ, იცოდეთ, თუ მაშინაც დამოუკიდებელ ქვეყანაში თავისუფლებისთვის შეწყვეტთ ბრძოლას, ამ თავისუფლებას დაკარგავთ თქვენც და თქვენი ქვეყანაც.

ეს სიტყვები შეიძლება უბრალო კალმით უბრალო ფურცელზეა დაწერილი, მაგრამ ძალიან დიდი მნიშვნელობა აქვს ამ სიტყვებს, ჩვენს ქვეყანაში და ჩვენს ცხოვრებაში. მოგესალმებით ყველას. მე 20 წლის სტუდენტი, აფხაზეთიდან დევნილი, თბილისში დაბადებულ-გაზრდილი, საქართველოს მოქალაქე ნიკოლოზ ჯავახიშვილი ვარ.

მადლობა მინდა გადაუხადო ჩვენს ადვოკატებს, რომლებიც არამარტო ჩვენს უფლებებს იცავენ, არამედ ჩვენთან ერთად იბრძვიან სამართლისა და სამართლიანობისთვის. მადლობა ჩემს თითოეულ ოჯახის წევრს გვერდში დგომისთვის, განსაკუთრებით მარიას [შეყვარებული], რომელიც დაკავების დღიდან მუდამ გვერდში მიდგას, მაშხნეებს და ყველაფერს აკეთებს იმისთვის, რომ მის გვერდზე ვიყო, არა ციხის კედლებში, არამედ მის გარეთ, სადღაც შორს.

და რატომ ისროლა ნიკოლოზ ჯავახიშვილმა ფოიერვერკი ჰაერში? რა იყო მისი მიზანი? დარწმუნებული ვარ, ეს კითხვა ყველას აწუხებს და საინტერესოც ის არის, ამ კითხვაზე რა პასუხს გავცემ.

ბატონო მოსამართლე, ქალბატონო თამარ, ვფიქრობ, როდესაც გადაწყვეტილების მისაღებად გახვალთ, ეს კითხვა თქვენთვის მნიშვნელოვანი იქნება. მიიღო თუ არა ჯგუფურ ძალადობაში მონაწილეობა ნიკოლოზ ჯავახიშვილმა, ისროლა თუ არა პოლიციელების მიმართულებით? მისმა მოქმედებამ შეუქმნა თუ არა საფრთხე ვინმეს? დააზიანა თუ არა შენობა-ნაგებობა? ამ კითხვებზე ერთადერთი სწორი და რეალური პასუხი არსებობს – არა.

მე არ დავინწყებ თავის მართლებას, რომ იმ ვიდეოზე, რომელსაც ბრალდების მხარე მედავება, მე ვარ, მაგრამ ბატონი ვაჟა და ბატონი ვახტანგი რასაც მედავებიან, კატეგორიულად უარვყოფ.

მინდა მოგიყვებ, როგორ განვითარდა მოვლენები 2024 წლის 28 ნოემბერს ღამის საათებში. იმ დღეს მე და მარია [შეყვარებული] ბათუმში ვიყავით, გზაში ვიყავი, როცა ირაკლი კობახიძის განცხადება მოვისმინე. როცა თბილისში ჩამოვედით, სახლში მივაცილე, სახლში მივედი, გამოვიცვალე და გამოვედი რუსთაველის გამზირზე. აქციაზე ვიყავი სრულიად მშვიდობიანად, არავის დავსხმივარ თავს (მით უმეტეს, მშვიდობის მოყვარული გახლავართ). ჩემი აქციაზე ყოფნის

პერიოდში არანაირი მოწოდება არ ყოფილა სამართალდამცავების მხრიდან, ან გზა გაგვეთავისუფლებინა, ან უბრალოდ დავშლილიყავით.

ლამის საათები იყო, როდესაც ჩემთვის ვილაც უცნობი, შენიღბული პიროვნება მოვიდა ჩემთან და მითხრა, ფოიერვერკი დამიჭირე ერთი წუთითო. მე უარი განვუცხადე ორი მიზეზის გამო: ერთი ის იყო, რომ ჩემთვის უცნობი და შენიღბული პიროვნება იყო, მეორე ის, რომ ფითილზე მოკიდებულ ფოიერვერკს მანვდიდა, მაგრამ მე უარი ვუთხარი, მან ძირს დააგდო და გაიქცა. დავიყვირე, რას აკეთებ-მეთქი, შევაგინე და ინსტიტუტურად უცებ ძირიდან ავიღე ფოიერვერკი, რომ ვინმე არ დაზიანებულიყო.

როცა ავიღე, ეგრევე ზემოთ, ცაში აღვმართე, მაღლა აწევა ცაში და გასროლა ერთი იყო. გავიქეცი რამდენიმე მეტრით წინ, რადგან ხალხის სიმჭიდროვე იყო (ყველაფერი გავაკეთე იმისთვის, რომ არავინ დაზარალებულიყო). ჩემსა და პოლიციელებს შორის იყო ძალიან დიდი დაშორება, დაახლოებით, 500 მეტრამდე. ჩემი მოქმედებით არ შემიქმნია საფრთხე არც საზოგადოებისთვის და არც პოლიციელებისთვის და მათ შორის, არც შენობა-ნაგებობებისთვის.

სწორედ იმის გამო ავიღე ძირს დაგდებული ვილაცის მიერ, რომ ვინმე ან რამე არ დაზიანებულიყო. ამის გამო ვისროლე ვერტიკალურად ჰაერში, ცის მიმართულებით. ჩემთვის გაუგებარია, როგორ ვითვლები ჯგუფურ ძალადობაში მონაწილე პიროვნებად, როდესაც ერთმანეთთან ნაცნობობაც კი არ გვაკავშირებს, არათუ რამე სხვა...

....ფოიერობდი, ახლა თვალს გავახელ და სახლში ვიქნებითქო, მაგრამ ეს მხოლოდ ფიქრები და ილუზია იყო. სრული ქაოსი მჭირდა. მთელი სიცოცხლის მანძილზე ერთადერთი ადამიანი მარია დამრჩა, ვის გამოც ყველაფერს საწოროზე დავდე. თუ საჭირო გახდა იმის იქითაც. ზუსტად ამ ადამიანზე ვნერვიულობდი, ვერ ვხედავდი, არ ვიცოდი სად იყო, როგორ იყო, რას აკეთებდა, მხოლოდ ის ვიცი, რომ სტრესისგან განადგურებული იყო.

ბოდიში მარია, რომ ამდენი განერვიულებ, მაგრამ გპირდები, ყველაფერს გავაკეთებ იმისთვის, რომ შენს გვედზე იყო. ვისწავლე ცხოვრების 2 მთავარი არსი – სიყვარული და თავისუფლება. გარეთ რომ ვიყავი ვერ ვაფასებდი თუნდაც სახლიდან მაღაზიამდე სიარულს, თუმცა ციხეში საკანში 7 ნაბიჯს დავდივარ.

რადიკალურად შეცვალა ციხემ ჩემი ცხოვრება. ვისწავლე დაფასება, ზედმეტი ხალხისგან დავიცალე, ვისწავლე პატივისცემა, სხვათაშორის ნათქვამი ჯერ საკუთარ თავს ეცი პატივი თუ გინდა რომ სხვამ გცეს პატივი და ასეც არის. ზოგჯერ მგონია ეს ტანჯვა რასაც გავდივარ, უსასრულოა. მაგრამ ვითმენ, ვითმენ იმიტომ რომ ეს დროებითია, შეიძლება სამართალი ურმით

მოდის, მაგრამ ნე და დიდი სიმართლე მოაქვს. ამ 9 თვეში ბევრი კარგიც მოხდა და ბევრი ცუდიც. ყველაზე მეტად იანვრის თვე გაიწელა. ვისწავლე საკუთარი თავის კონტროლი.

საახალწლოდ დაგეგმილი გვექონდა მე და მარიას წაუღიყავით ბაკურაინში, მაგრამ მომიწია 4 კედელში ყოფნა, აპრილს დაბადების დღე ჰქონდა, მიწოდდა საზღვარგარეთ წაუღიყავით სადმე ლამაზ ადგილას და ხელი იქ მეთქზოვა, მაგრამ ხელი ციხეზე მოვანერეთ, არ მიწოდდა ასე ყოფილიყო, მაგრამ ცხოვრება სურპრიზებით არის სავსე, არ ვიცით როდის რა მოხდება, მარიას დაბადების დღისთვის ამდენი ვინვალე მახსოვს ტელეფონიდან ვაგვარებდი საჩუქრის ამბებს. [...]

ბევრისგან მსმენია და ბევრისგან მომსვლია ამბებია, რომ აი, ბატონობით რატომ მიმართავ ვაჟასო [პროკურორს] ან რაიმე მსგავსი. ერთს გეტყვით და კარგად დაიმახსოვრეთ, მე ჩემი მეობა, ჩემი პირადი აზრი და პირადი ინდივიდუალობა მახასიათებს. მერე რა რომ 4 ან 6 წლით ციხრეში მიშვებს არაფრის გამო, უფროსწორად ფოიერვერკის ჰაერში სროლის გამო, შენ მთავარია შენი მეობა და ადამიანობა არ დაკარგო, ვისაც ჩემზე მეტი ან ვინმეზე მეტი ჰგონია თავი, სხვებს აკრიტიკებს და არ აინტერესებს, მაშინ ან ჩუმად უნდა იყოს ან ადგეს და პირდაპირ უთხრას რასაც მასზე იძახის ან ფიქრობს. არასდროს მიყვარდა ზურგს უკან ჭორობა, თუ ვინმეს რამის გარკვევა სურს ჯერ გაარკვიოს და მერე ილაპარაკოს. ადამიანს ცრუ ინფორმაცია არ უნდა გაუფრცელო. ის შეიძლება მერე ცუდ სიტუაციაში აღმოჩნდეს.

არ შეიძლება სამყაროს უყურებდე ცალ მხარეს ცალი თვალით, პირიქით უნდა უყურო ყველა მხარეს 2 თვალით, რადგან შეიძლება სხვადასხვანაირად ხედავდე და ეს უფრო მნიშვნელოვანია.

ერთს ვიტყვი, არამგონია ნათქვამს მიხვდეთ, მაგრამ ძალიან მომწონს მე: ადამიანი ადამიანთან ადამიანის ადამიანობით ადამიანობს. იყავი ადამიანი. იყავი მოწყალე, იყავი მშვიდი, აკეთე სიყვარული და სიკეთე. ვინ ვართ, საიდან მოვდივართ და რა გვინდა ცხოვრებაში ვაკეთოთ. ან რა სახელი გვინდა დავტოვოთ? ადამიანი იბადება, იზრდება, ბერდება და კვდება, სიცოცხლე ისედაც ხანმოკლეა და მოვიქცეთ ისე, რომ არავინ არავის ვანყენინოთ. მოვატყუოთ, ვაკეთოთ სიკეთე (მაგრამ ნუ დაელოდები) ერთანეთს დავეხმაროთ და მუდამ სიყვარულში გავატაროთ ცხოვრება. მე მაგალითად ასე ვიცხოვრე, ვცხოვრობ და ვიცხოვრებ. დავისახო მიზანი და მიყვე ბოლომდე. აი, ეს არის მთელი არსი.

ამიტომ გიყვარდეთ ერთმანეთი და დავაფასოთ ერთმანეთი (მე სანამ ციხეში ვარ ჯერ არავინ მკითხულობს, ვისგანაც მოველოდი. გავალ და ყველა მომიკითხავს. არ ხდება ასე?) მადლობა ყურადღებისთვის, მიყვარხართ ყველა”.